

SA's Leading Past Year

Exam Paper Portal



You have Downloaded, yet Another Great  
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexampapers.co.za](http://www.saexampapers.co.za)



**SA EXAM  
PAPERS**



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWEKUCALA LWEKWENGETA (FAL)**

**LIPHEPHA LWESIBILI (P2)**

**INDLOVULENKHULU/MASHI 2011**

**EMAMAKI: 70**

**SIKHATSI: 2 ema-awa**

**Leliphepha linemakhasi lali-19.**

## TICONDZISO KULABAHLOLWAKO

1. Fundza lelikhasi ngembikwekutsi ucale kuphendvula imibuto.
2. Ungalifundzi lonkhe liphepha lemibuto. Buka lokucuketfwe ekhasini lelilandzelako bese ubeka luphawu kulowo nalowo mbuto lobutwe ngetincwadzi lotifundze lonyaka. Emva kwaloko, fundza leyo mibuto lenetimphawu kuphela bese ukhetsa leyo lofuna kuphendvula yona.
3. Liphepha lemibuto licuketse TIGABA LETINE:

|           |                       |      |
|-----------|-----------------------|------|
| SIGABA A: | Inoveli               | (35) |
| SIGABA B: | Umdlalo               | (35) |
| SIGABA C: | Tindzaba letimfishane | (35) |
| SIGABA D: | Tinkondlo             | (35) |
4. Landzela ticondziso ekucaleni kwaleso naleso sigaba.
5. Phendvula ngetincwadzi LETIMBILI lotifundze lonyaka. Phendvula MUNYE umbuto kuyinye ngayinye incwadzi.
6. Tinombolo tetimphendvulo atihambisane naleto temibuto njengobe tinjalo ephepheni lemibuto.
7. Cala LESO NALESO sigaba ekhasini LELISHA.
8. Bhala ngesandla lesibonakalako nalesifundzekako.
9. Siphakamiso sekulawulwa kwesikhatsi singaba ngemaminithi langema-60 kuleyo naleyo ncwadzi.

## LUHLA LWEKUTIKHUMBUTA:

Lelikhasi litawusita bahlolwa ekukhetseni imibuto LABAFUNA kuyiphendvula ngaphandle kwekufundza lonkhe leliphepha lemibuto.

|                                                   |                            |                |                |
|---------------------------------------------------|----------------------------|----------------|----------------|
| <b>SIGABA A: INOVELI</b>                          |                            |                |                |
| <b>Phendvula NOBE NGUWUPHI UMBUTO UBE MUNYE.</b>  |                            |                |                |
| <b>INOMBOLO YEMBUTO/INCWADZI</b>                  | <b>UMBUTO</b>              | <b>EMAMAKI</b> | <b>LIKHASI</b> |
| 1. <i>Kwasha Tikhotsa</i>                         | Umbuto<br>loyindzabambhalo | 35             | 5              |
| <b>NOBE</b>                                       |                            |                |                |
| 2. <i>Kwasha tikhotsa</i>                         | Imibuto lemifisha          | 35             | 5              |
| <b>SIGABA B: UMDLALO</b>                          |                            |                |                |
| <b>Phendvula NOBE NGUWUPHI UMBUTO UBE MUNYE.</b>  |                            |                |                |
| 3. <i>Lahloma Ladvuma</i>                         | Umbuto<br>loyindzabambhalo | 35             | 7              |
| <b>NOBE</b>                                       |                            |                |                |
| 4. <i>Lahloma Ladvuma</i>                         | Imibuto lemifisha          | 35             | 7              |
| <b>SIGABA C: TINDZABA LETIMFISHA</b>              |                            |                |                |
| <b>Phendvula NOBE NGUWUPHI UMBUTO UBE MUNYE.</b>  |                            |                |                |
| 5. <i>Litsambo</i>                                | Umbuto<br>loyindzabambhalo | 35             | 10             |
| <b>NOBE</b>                                       |                            |                |                |
| 6. <i>Litsambo</i>                                | Imibuto lemifisha          | 35             | 10             |
| <b>SIGABA D: TINKONDLO</b>                        |                            |                |                |
| <b>Phendvula NOBE NGIYIPHI IMIBUTO IBE MIBILI</b> |                            |                |                |
| 7. 'Letfwese'                                     | Imibuto lemifisha          | 17½            | 13             |
| <b>NOBE</b>                                       |                            |                |                |
| 8. 'Letfwese'                                     | Imibuto lemifisha          | 17½            | 14             |
| <b>NOBE</b>                                       |                            |                |                |
| 9. 'Letfwese'                                     | Imibuto lemifisha          | 17½            | 16             |
| <b>NOBE</b>                                       |                            |                |                |
| 10. 'Letfwese'                                    | Imibuto lemifisha          | 17½            | 18             |

### LUHLA LWEKUTIKHUMBUTA:

Lelikhasi litawusita bahlolwa ekucinisekeni kutsi baphendvule imibuto lefanele.

| SIGABA                                                                       | TINOMBOLO<br>TEMIBUTO | LINANI LEMIBUTO<br>LEPHENDVULIWE | THIKHA |
|------------------------------------------------------------------------------|-----------------------|----------------------------------|--------|
| <b>A: INoveli</b><br>(Indzabambhalo nobe imibuto<br>lemifisha)               | 1 – 2                 | 1                                |        |
| <b>B: Umdlalo</b><br>(Indzabambhalo nobe imibuto<br>lemifisha)               | 3 – 4                 | 1                                |        |
| <b>C: Tindzaba letimfishane</b><br>(Indzabambhalo nobe imibuto<br>lemifisha) | 5 – 6                 | 1                                |        |
| <b>D: Tinkondlo</b><br>(Tinkondlo letifundvwe ekilasini)                     | 7 – 10                | 2                                |        |

## SIGABA A: INOVELI

Khetsa umbuto ube MUNYE kulelandzelako uphendvule imibuto letawulandzela.

### UMBUTO 1: KWASHA TIKHOTSA – LL Dlamini

Bhala indzabambhalo lenemagama lasemkhatsini weli-190 nema-240 uphawule ngekubumbana kwesibekandzaba nebalingisi kulenovelu.

[35]

## NOBE

### UMBUTO 2: KWASHA TIKHOTSA – LL Dlamini

Fundza lethekesthi bese uphendvula imibuto letawulandzela.

Mswati abemhlonipha kakhulu unina. Lapho akhuluma nenina abehlala phasi alalele. Abeyekela konkhe lakwentako alalele unina.

"Ngiyaweva onkhe emavi lamnandzi nalakhutsatako lewuwakhulumako make. Usisekelo semphilo yami.

Ungumtfombo webukhosi beMaswati. Saga seSiswati sitsi, imamba lemnyama ayinakuphutfunyelwa, ngako-ke ngicondze kuphawula loku: Imitamo leminyenti sengiyentile yaba imphumelelo lenkhulu. Konkhe loku bengikwenta bekukubulala emabululu, timfeti nemidlume. Kusele imamba lemnyama kuphela," kusho Mswati.

2.1 Libito lendlovukati yeMaswati ngubani?

Khetsa YINYE kuletimphendvulo letingentasi:

- A Dumisile
- B Tsandzile
- C Sidwala

(1)

2.2 Sizatfu sekuvakasha kwendlovukati ivakashela inkhosi Mswati bekuyini?

Khetsa YINYE kuletimphendvulo letingentasi:

- A Kutewutjela Mswati kutsi abulale banakabo.
- B Kutewutjela Mswati kutsi ahlasele tive letingubomakhelwane.
- C Kutewukhutsata kukhulumisana phakatsi kwaMswati nebanakabo.

(1)

2.3 Lemamba lemnyama Mswati lekakhuluma ngayo kulethekesthi ngubani?

Khetsa YINYE kuletimphendvulo letingentasi:

- A Inyanga yenkhosi.
- B BomnakaboMswati.
- C Inhloli yenkhosi.

(1)

2.4 Inkhosi icondzise kubobani uma itsi ibulale emabululu, timfeti nemidlume?

Khetsa YINYE kuletimphendvulo letingentasi:

- A Tindvuna tenkhosi.
- B Tive letingubomakhelwane.
- C Sicobolonjwane. (1)

2.5 Ngabe Mswati ucondzeni uma atsi unina usisekelo semphilo yakhe futsi ungumtfombo webukhosi beMaswati? Chaza ngemaphuzu lamatsatfu. (3)

2.6 Humusha lenkhulumo letsi, "Imamba lemnyama ayinakuphutfunyelwa". Chaza ngemaphuzu lamatsatfu. (3)

2.7 Sifundvo sini lesisitfolo kuletheksthi? Bhala emaphuzu lamatsatfu. (3)

2.8 Ngabe **kuliciniso** nobe **liphutsa** kutsi Bashele abelungiselela emabutfo enkhosi ngekutsi awelaphe ngaphambi kwekuba ayokulwa emphini? Sekela. (2)

2.9 Ngabe **kuliciniso** nobe **liphutsa** kutsi indlovukati yeMaswati ikholelwa ekutseni kuhlaselwane kuze kube khona kuthula eveni? Sekela. (2)

2.10 Ngabe **kuliciniso** nobe **liphutsa** kutsi tindvuna tenkhosi tifuna kutsatsa bukhosi benkhosi Mswati? Sekela. (2)

2.11 Bhala emaphuzu abe matsatfu lafakazela kutsi balingisi labakulenoveli babambelele emasikweni nakuyo imihambo yesive sabo. (3)

2.12 Kwaba yini siphetfo saFokotsi, Somcuba naNdlela? (3)

2.13 Make waMswati ungumlingisi lonjani ngekwesimilo? Sekela imphendvulo yakho. (2)

2.14 Seluleko sini indlovukati leyasinika Mswati mayelana nekubusa sive? (2)

2.15 Condzanisa emagama laku KHOLOMU A netimphendvulo letiku KHOLOMU B.

| KHOLOMU A |                | KHOLOMU B |                  |
|-----------|----------------|-----------|------------------|
| 2.15.1    | Tinyatsi       | A         | Inhloli yenkhosi |
| 2.15.2    | Sandlane       | B         | Libutfo laMswati |
| 2.15.3    | Sicobolonjwane | C         | Indlovukati      |
| 2.15.4    | Khubalo        | D         | Ndvunankhulu     |
| 2.15.5    | Tsandzile      | E         | Inyanga yenkhosi |
| 2.15.6    | Gwalagwala     | F         | Imbongi yesive   |

(6)

**SAMBA SIGABA A: 35**

## SIGABA B: UMDLALO

Phendvula indzabambhalo nobe imibuto lemifisha.

### UMBUTO 3: LAHLOMA LADVUMA – Z Motsa

Bhala indzabambhalo lenemagama lasemkhatsini weli-190 nema-240 uphawule ngetintfo letentiwa badlali lababili letigucula imihambo yeBatfwa. Usho nekutsi wena uyavumelana yini nalabadlali.

[35]

### NOBE

### UMBUTO 4: LAHLOMA LADVUMA – Z Motsa

Fundza lethekesthi lelandzelako bese uphendvula imibuto letawulandzela.

|               |                                                                                                                                                                                                                                                                                                            |
|---------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| TSEMBATIVE:   | Ba-Tfwa! BaTfwa baboBabe!<br>BaboMbokodvo naboMliba! Uyakhuleka umsa wenu!                                                                                                                                                                                                                                 |
| SIVE:         | Mngane!                                                                                                                                                                                                                                                                                                    |
| TSEMBATIVE:   | Ngembetse ingubo yemakhosi kunyatsela inkhundla etinyatselweni tesigodlo netinyatselweni teNkhosi yami, iMbiba yejijimeza! Ngembetse siphuku semahloni kungena enkhundleni lomdzala sekamile.<br>Lucolo kini nonkhe baTfwa! Akusindzelelo ngigilwe sikhatsi! Lidlojwa libhekile baketfu, asicolise kuloko. |
| NDVUKUTEMPHI: | (Ahlebela Qedizizwe) uyatsakatsa nangumuntfu! Lobengitsi nitsi nimshiye adzakwe asangene akhohlwe nelibito lakhe? Utsi umnatsise bona wena nje lobu lobubuya kuleya nyanga ...?                                                                                                                            |
| QEDIZIZWE:    | (Naye akhulumela phasi) UJijimeza ugcwele izimanga Mngane!                                                                                                                                                                                                                                                 |

4.1 Sive seMatfwa sicabanga kutsi Tsembative ungubani kulethekesthi lengenhla?

Khetsa YINYE imphendvulo kuleti.

- A NguSigwaca
- B NguTfolwane
- C NguVusematfwa

(1)

4.2 Yini lebangele kutsi Tsembative aphutselwe esigodlweni?

Khetsa YINYE imphendvulo kuleti letilandzelako.

- A Bekasacoca naKhetsiwe.
- B Bekangafuni kutsi baze babone kutsi akasuye Vusematfwa.
- C Bekadliwa satelo selutsandvo lwaKhetsiwe.

(1)

4.3 Vusematfwa bekakuphi ngalesikhatsi kwenteka konkhe loku?

Khetsa YINYE imphendvulo kuleti letilandzelako.

- A Bekatfunjwe boQedizizwe.
- B Bekalibele kunatsana netjwala.
- C Bekahambe neButimba. (1)

4.4 Bekuyini inhloso yekutfunjwa kwaVusematfwa?

Khetsa YINYE imphendvulo kuleti letilandzelako.

- A Alahlekelwe yiNdlovukati.
- B Kuvele kutsi wehlulwa tjwala.
- C Kwentela kutsi Ndvukutemphi atsatse bukholi. (1)

4.5 Tsembative bekafunani esiveni seBatfwa?

Khetsa YINYE imphendvulo kuleti letilandzelako.

- A Bekatfungatsa uyise langamati.
- B Bekafuna intfombi langashada nayo.
- C Bekabalekele emacala akhe. (1)

4.6 Condzanisa emagama laku KHOLOMU A netimphendvulo letiku KHOLOMU B.

| KHOLOMU A        | KHOLOMU B                       |
|------------------|---------------------------------|
| 4.6.1 Emphelave  | Inkhululeko yekutikhetsela.     |
| 4.6.2 Imbiba     | Utsatsa sikhundla saVusematfwa. |
| 4.6.3 Ingcikitsi | Liphahla laLahliwe.             |
| 4.6.4 Tsembative | Udzakiwe                        |
| 4.6.5 Buhlalose  | Inkhosi yeBatfwa.               |
| 4.6.6 Vusematfwa | Umuti/lilawu laNdvukutemphi     |

(6)

4.7 Yini leletsa bunganekwane/kungakholeweki kuletheksthi lengenhla?

(2)

4.8 Chaza kuhambelana kwendzawo nebadlali kuletheksthi lengenhla.

(2)

4.9 Bekuyini sizatfu sekutsi boNdvukutemphi naQedizizwe badzakise Vusematfwa ngembi kwesibhimbi?

(2)

4.10 Ndvukutemphi wetfuswa yini nakabona shengatsi tjwala lobunatfwe nguVusematfwa abukasebenti?

(2)

4.11 Ngabe lenkhulumo letsu, "BaboMbokodvo naboMliba! Uyakhuleka umsa wenu!" iliciniso nobe iliphutsa yini? Chaza.

(2)

4.12 Lomdlalo wenteka kusiphi sikhatsi semphilo? Chaza ubhekise kuletheksthi lengenhla.

(2)

- 4.13 Umnyakato webadlali labakuletheksthi lengenhla ubumbene kangakanani nenkhulumiswano yabo? (2)
- 4.14 Sento saMadzandza sekuhlangana naTsembative siwutfufukisa kanjani lomdlalo? (2)
- 4.15 Bhala sigameko lesidala sicakacaka/ umshikashika kulomdlalo. (2)
- 4.16 Libito laKhetsiwe liyamlandzela. Fakazela loku ngekubhekisa emdlalweni wonkhe. (3)
- 4.17 Lomdlalo usifundzisani mayelana netelutsandvo? Bhekisa imphendvulo yakho kuKhetsiwe naTsembative. (3)

**SAMBA SIGABA B: 35**

## SIGABA C: TINDZABA LETIMFISHANE

Phendvula indzabambhalo nobe imibuto lemifisha.

### UMBUTO 5: *LITSAMBO* – EJ Mhlanga

Bhala indzabambhalo lenemagama lasemkhatsini weli-190 nema-240 uphawule ngekubaluleka kwemfundvo nekutimisela esikolweni, ubhekise etentweni tebalingisi kulenzaba lets, i "TIMBUTI".

[35]

### NOBE

### UMBUTO 6: *LITSAMBO* – EJ Mhlanga

6.1 Fundza lethekesthi lelandzelako bese uphendvula imibuto letawulandzela.

#### Litsambo

"Angitsi uvile emisakatweni wabona futsi nakubomabonakudze kutsi hulumende wetfu lomusha umemetele kutsi tonkhe tisebenti tasemakhaya kufute tiholelwe lokungenani i-R1500 ngenyanga. Manje-ke ngitsi mine ngikhuphulele lomholo wami lokungenani unginike incenye yalemali lokufute ngabe ungiholela yona."

Nawukhuluma ngencenye usho kutsi ngisale sengikuholela emakhulu lasikhombisa emarandi ngenyanga?" Kubuta make Shongwe aze ancekutise nenhloko kancane.

"Yebo, R700 nje kuphela."

"Uyati yini kutsi mine ngihola malini?"

"Cha angati, kepha njengaloku wena shengatsi unesikhundla lesisetulu lapha esibhedlela, ngiyakholwa uyayibulala."

6.1.1 Nasitsatsela kulenkulumo boLaMdluli namakeShongwe bacatjaniswa yini kangaka?

Khetsa YINYE imphendvulo kuleti letilandzelako.

- A LaMdluli akafuni kusebenta.
- B LaMdluli ulwela emalungelo akhe.
- C Make Shongwe akanamali.

(1)

6.1.2 Make Shongwe usebenta kuphi?

Khetsa YINYE imphendvulo kuleti letilandzelako.

- A Esibhedlela
- B Emkhwakhweni
- C EQwaqwa

(1)

- 6.1.3 Indzaba yekukhushulwa kwemaholo yefika njani kuLaMdluli?  
Khetsa YINYE imphendvulo kuleti letilandzelako.  
A Yefika ngabomakhelwane.  
B Yevakala ngemaphephandzaba, umsakato nabomabonakudze.  
C Yefika ngeliphupho. (1)
- 6.1.4 Ngemuva kwekutfola lisheke lemali, LaMdluli wabona kutsi ...  
Khetsa YINYE imphendvulo kuleti.  
A Uphumelele kulwela emalungelo akhe.  
B Kuncono kuhlala nekusebentela lite.  
C Wayitsatsa ngesancele lendzaba. (1)
- 6.1.5 Umbhali walendzaba uvete Make Shongwe angumlingisi lonjani kulendzaba?  
Khetsa YINYE imphendvulo kuleti.  
A Longawuhloniphi umtsetfosisekelo welive.  
B Lomcabangelako lomunye umuntfu.  
C Lotikhukhumetako. (1)
- 6.1.6 Umbhali walendzaba ubangelwa yini kunika lendzaba sihloko lesitsi "LITSAMBO"? (2)
- 6.1.7 Ngekwemtsetfo wemalungelo eluntfu **kuliciniso** nobe **liphutsa** yini kutsi Make Shongwe bekumele ambhalele incwadzi yekucosha LaMdluli. Sekela. (2)
- 6.1.8 Wena ucabanga kutsi umbhali walendzaba ngubani lamvete njengemlingisi lomcoka kulendzaba, futsi iyini inkinga yakhe? (2)
- 6.1.9 Chaza sifundvo ummango losifundza kulendzaba. (2)
- 6.1.10 Siphetfo salendzaba ngabe sinayo yini ingwijikhwebu? Chaza. (2)

- 6.2 Fundza nalena itheksthi leyincenye yendzaba bese uphendvula imibuto Letawulandzela.

**Liviki Lelidze**

"Make Mabaso," kusho lonesi lomdvuna lengihambisana naye. Aphindze futsi achubeke atsi, "Ngibuhlungu kusho kutsi nangabe angekho kulaba ..." Akamange asayicedzela inkhulumo yakhe. Ngivele ngeva siyeti singihlasela. Ngimetfuke sekangibamba. Kusho kutsi besengiwa. Achubeke, "... Kusho kutsi ukulaba labane lokulukhuni salitje kufinyelela kubo. Futsi nanome batakuli bangefika kubo, ematsemba ekutsi babatfole basaphila, mancane kakhulu".

- 6.2.1 Ubanjwa siyeti nje umlandzi walendzaba kwentenjani? (2)
- 6.2.2 Make Mabaso sewunesikhatsi lesingakanani ashadile naMabaso? (2)
- 6.2.3 Ngekubona kwakho kumsitile yini kukholelwa kwakhe kuJehova Make Mabaso? Chaza. (2)
- 6.2.4 Chaza incikitsi yalendzaba ubhekise kuMusa. (2)
- 6.2.5 Wena ucabanga kutsi umbhali walendzaba usibhale wasibeka kuphi sicongo/luvutfondzaba kulendzaba? (2)
- 6.2.6 Yini leyenta kutsi Make Mabaso alaliswe liviki lonkhe esibhedlela? (2)
- 6.2.7 Nika kubili lokwentiwe nguMabaso ngemuva kwekuhogela umoya wangaphandle kwemgodzi . (2)
- 6.2.8 Lesimo senkhulumo lesitsi "... bantfwana angeke basamati uyise" sibumbene kangakanani naloku lokwenteka endzabeni? (3)
- 6.2.9 Ngemisho lengengci KULEMITSATFU, chaza kubumbana kwesihloko salendzaba letsi "**Liviki lelidze**" Naloku lokushiwo ngulendzaba. (3)

**SAMBA SIGABA C: 35**

## SIGABA D: TINKONDLO

Phendvula nobe nguyiphi imibuto lemibili.

### UMBUTO 7

Fundza lenkondlo lengentasi bese uphendvula imibuto lengentasi.

#### Sesifikile – AT Fakude

- 1 Konkhe kunesikhatsi sako,
- 2 Isho njalo incwadzi yeNkhosi,
- 3 Wonkhe umuntfu kumele atilungiselele,
- 4 Ngoba loluhambo aludzingi mphako,
- 5 Nakimi sengatsi sesifikile.
- 6 Sekutsi ngibuyele lapho ngavela khona.
- 7 Kodwa tinini tona cha, angihambi nato,
- 8 Ngisho nelitsemba lami imbala.
- 9 Tsemba lami usale kahle utinte
- 10 Mine, sengiyahamba, sami sikhatsi, sesifikile.
- 11 Ungangilileli ngoba funa siphindze sibonane,
- 12 Munye kuphela Lowatiko,
- 13 Ngoba sami sikhatsi sesifikile.
- 14 Sala ngekuthula tsemba,
- 15 Gugu lami, ungasakhali.

7.1 Ufuna kutsini sonkondlo uma atsi, "Munye kuphela Lowatiko?"

Khetsa YINYE imphendvulo kuleti.

- A Litsemba lami lelatiko.
- B NguMdali lowatiko.
- C Nguthishela lowatiko. (1)

7.2 Sonkondlo ubukeka akusiphi simo uma ubuka lomugca longentasi 'Gugu lami, ungasakhali'. (2)

7.3 Ngabe ngusiphi lesikhatsi sonkondlo lakhuluma ngaso? (1)

7.4 Khetsa umugca kulena lengentasi lapho sonkondlo asebentise khona sidvonsamoya (isizuri).

- A Tsemba lami usale kahle utinte.
- B Sala ngekuthula tsemba.
- C Mine, sengiyahamba, sami sikhatsi, sesifikile. (1)

7.5 Ngabe bekufanele yini kutsi sonkondlo avalelise tihlobo takhe? Sekela imphendvulo yakho. (2)

- 7.6 Khokha invumelwanosigcino leyecako emigceni 3, 4 newesi-5, uphindze uyidvwebele. (2)
- 7.7 Ngabe sihloko salenkondlo siyahambisana yini nalenkondlo? Sekela imphendvulo yakho. (2)
- 7.8 Phawula ngemcondvo lofihlakele nobe kujula kwalenkondlo. (2)
- 7.9 Ngabe **ngumbono** nobe **liciniso** yini kutsi bonkhe bantfu bayavalelisa uma sekufike sikhatsi. Sekela. (1½)
- 7.10 Ngabe nguyiphi lencwadzi yeNkhosi lekukhulunywa ngayo kulenkondlo? Khetsa YINYE imphendvulo kuleti.
- A Libhayibheli  
B Sichazamagama  
C Inoveli (1)
- 7.11 Phawula ngebunkondlo lobutfolakala kumugca we-9 neweli-10. (1)
- 7.12 Caphuna umugca kulenkondlo lokhombisa kutsi singamkhaleli sonkondlo. (1)  
[17½]

### NOBE

### UMBUTO 8

Fundza lenkondlo lengentasi bese uphendvula imibuto letawulandzela.

#### Likhadi lelibovu – CD Masilela

- 1 Imphilo inguphansi-phezulu,
- 2 Wena lowabona kunatsa kwenkukhu,
- 3 Noma inkinga yakho ingakhula ikhotse emafu,
- 4 Noma ingakhuluphala igcwale indlu,
- 5 Ungatikhipheli likhadi lelibovu!
- 6 Akucali futsi akugcini ngawe phakama uye phambili!
- 7 Lenkingana loyenweba ibe ngubhazabhaza,
- 8 Kulomunye ingangentfutfwane, kulomunye iyinselele.
- 9 Tibale tibusiso takho ucapehele:
- 10 Ingcondvo isikhali lesinemandla khetsa imphilo!
- 11 Vula emehlo, maningi ematfuba lapha ngephandle,
- 12 Tsani ntinini ngelitubane utsatse litfuba lakho.
- 13 Sigwaca lesihle ngulesishoshako.
- 14 Ungacali nje, utinikete likhadi lelibovu.

- 8.1 Nika luhlobo lweluchumano lolutfolakala kulamagama ladvwetjelwe kulemigca longentasi: (Khetsa imphendvulo yinye kuleti letingentasi.)  
Noma inkinga yakho ingakhula ikhotse emafu.  
Noma ingakhuluphala igcwale indlu.  
A Sifanankhamisa  
B Sifanangwaca  
C Luchumanosicalo (1)
- 8.2 Shano kutsi lomugca longentasi lomayelana nalenkondlo **uliciniso** nobe **uliphutsa**. Sekela. Vula emehlo, maningi ematfuba lapha ngephandle. (2)
- 8.3 Sonkondlo ucondze kusitjelani uma atsi "Ingcondvo isikhali lesinemandla khetsa imphilo!" (2)
- 8.4 Umugca lotsi, "Noma ingakhuluphala igcwale indlu' umumetse sinongo sini senkhulumo?"  
Khetsa imphendvulo yinye kuleti letingentasi.  
A Sihabiso  
B Sifaniso  
C Kumuntfutisa (1/2)
- 8.5 Emgcezi wesi-6 sonkondlo usebentise kucatsanisa. Ngabe lesicatsaniso siveta umoya lonjani kusionkondlo? Akucali futsi akugcini ngawe phakama uye embili! (2)
- 8.6 Dwebela sifanankhamisa kulomugca longentasi:  
Imphilo inguphansi-phezulu. (1)
- 8.7 Sonkondlo ulisebentiselani loluphawu lolusibabato lolutfolakala kulomugca longentasi:  
Ungacali nje, utinikete likhadi lelibovu! (2)
- 8.8 Sitfombe sini lesiletfwa ngulomugca longentasi? Tsani ntinini ngelitubane utsatse litfuba lakho. (3)
- 8.9 Ngabe lenkondlo iwuntjintjile yini umcondvo wakho ngetinkinga lohlangabetana nato emphilweni yakho? Sekela. (2)
- 8.10 Caphuna umugca kulenkondlo losikhumbuta ngekubonga kuloko lesinikwe nguMdali. (2)

[17½]

**NOBE**

## UMBUTO 9

Fundza lenkondlo lengentasi bese uphendvula imibuto letawulandzela.

### Tati kutsi ungubani – CD Masilela

- 1 Uma unguMfaniseni, unguFananatsi,
- 2 Uma utitsambisa kwabhanana,
- 3 UnguJabulisa Tihlwele,
- 4 UnguTsatsekile,
- 5 Utenta limpentjisi lelindzele kukhiwa,
- 6 Phaphama! Phepha elugibeni!
- 7 Litje lime ngelutsi Ntfombi yababe!
- 8 Tati kutsi ungubani,
- 9 Yati kutsi uvelaphi,
- 10 Yati kutsi uyaphi.
- 11 Uma ungatati utawufana natibutse
- 12 Lobutse lohhungulwa tigemegegeme tetigebengu.
- 13 Utawudvonswa liphunga leligwayi neletidzakamiva.
- 14 Uma ungatati kutsi ungubani
- 15 Utawuba nguSiyamlandzela.
- 16 Tati kutsi ungubani.

9.1 Hlobo luni lweluchumano lolutfolakala kulemigca lengentasi?

Khetsa imphendvulo yinye kuleti letingentasi.

Yati kutsi uvelaphi,

Yati kutsi uyaphi.

- A Luchumanosicalo
- B Imvumelwanosicalo
- C Iliriki

(1)

9.2 Ngabe sonkondlo ucondze kusitjelani ngalengkulumo lengentasi:

Khetsa imphendvulo yinye kuleti letingentasi.

Tibutse lohhungulwa tigemegegeme tetigebengu.

- A Utawuyekela kwenta tintfo ungakacabangi.
- B Utawuvuma nobe ngabe yini lokhohliswa ngayo.
- C Utawulalela batali bakho.

(1)

9.3 Hlobo luni lwenkondlo lena lengetulu?

Khetsa imphendvulo YINYE kuleti letingentasi.

- A Inkondlomlandvo
- B Isonethi
- C Isathaya

(1)

- 9.4 Ngabe lomugca longentasi **uliciniso nobe uliphutsa** uma ubuka lenkondlo? Sekela imphendvulo yakho. Utawudvonswa liphunga leligwayi neletidzakamiva. (2)
- 9.5 Lemigca lengentasi ingaba **ngumbono** nobe **liphuzu** uma ubuka lenkondlo. Sekela imphendvulo yakho. Uma ungatati kutsi ungubani Utawuba nguSiyamlandzela. (2)
- 9.6 Ngemaphuzu LAMABILI bhala lokushiwo inkondlo. (2)
- 9.7 Sinongo sini senkhulumo lesisetjentiswe kulomugca longentasi, shano nekutsi siyahambisana yini nenkondlo? Uma utitsambisa kwabhanana. (2½)
- 9.8 Bhala bunkondlo lobutfolakala kulamagama ladvwetjelwe kulemigca lengentasi:  
Ungutsatsekile,  
Utenta limpentjisi lelilindzele kukhiwa. (1)
- 9.9 Yini lebangela sonkondlo akhetse lomusho lolandzelako enkondlweni yakhe? Phaphama! Phepha elugibeni! (2)
- 9.10 Sifundvo sini lesivetwa ngulenkondlo emmangweni? Nika emaphuzu LAMABILI. (2)
- 9.11 Bhala luhlobo lwemvumelwano lolutfolakala kuletinhlavu letidvwetjelwe kulemigca lelandzelako:  
UnguJabulisa tihlwele,  
UnguTsatssekile (1)  
[17½]

**NOBE**

## UMBUTO 10

Fundza lenkondlo lengentasi bese uphendvula imibuto lengentasi.

### Livulindlela – AT Fakude

- 1 Washaya baniyo besipakatani
- 2 Wabadvunsuta ngaso sipakatani
- 3 Batsi nabacabanisa inhloko, beva kutsi iyashisa
- 4 Bagcwala tiganga nemahlatsi
- 5 Usemuva kwabo neFRELIMO
- 6 Kwahhonya indvodza
- 7 Kwakhala umfati
- 8 Ingenile yakho chawe lemachawe
- 9 Wangena wawangenela emaPutukezi
- 10 Ungahleki, futsi ungashushi
- 11 Wawadvudvula agibela tindiza ngematata
- 12 Aphindzela ePutukezi kukubi
- 13 Usemuva kwawo nesipakatani
- 14 Ashiya inyosi ngemagonso
- 15 Wasala advonsa umoya Soshangane
- 16 Waba nekuthula enhlitiyweni yakhe
- 17 Kwashaya umoya esiveni saSoshangane
- 18 Kwaba nekuthula esiveni semaTjopi
- 19 Kuhlukubetwa kwaphela esiveni semaTfonga
- 20 Kwatfokotwa kakhulu emmangweni wemaNdzawe
- 21 Yashaya ingoma yenkhululeko
- 22 Yasukuma i-Afrika yatitsatsa kwahlokoma inkhundla
- 23 Ulivulindlela Samora Machel

10.1 Nhloboni yenkondlo lena lengenhla?

Khetsa YINYE imphendvulo kuleti.

- A Inkondlomlandvo
- B Isathaya
- C Tenkholo

(1)

10.2 Bhala luhlobo lwemvumelwano lolutfolakala kulamagama ladvwetjelwe kulemigca lengentasi:

Kwashaya umoya esiveni sasoShangane  
Kwaba nekuthula esiveni semaTjopi

Khetsa YINYE imphendvulo kuleti.

- A Imvumelwanosigcino
- B Luchumanosigcino
- C Imvumelwanosicalo

(1)

- 10.3 Shano luhlobo lweluchumano loludalwa nguletinhlavu letidvwetjelwe kulemigca lelandzelako:  
  
Khetsa yinye imphendvulo kuleti.  
  
Washaya baniyo besipakatani.  
Wabadvunsuta ngaso sipakatani.  
  
A Luchumanosicalo.  
B Luchumano sigcino.  
C Luchumanomkhatsini. (1)
- 10.4 Bhala umoya walenkondlo ngemigca LEMIBILI. (2)
- 10.5 Ucondze kusitjelani sonkondlo ngalomugca longentasi:  
  
Bagcwala tiganga nemahlatsi. (2)
- 10.6 Ngabe **ngumbono** nobe **liciniso** loku lokushiwo ngulomugca? Washaya baniyo besipakatani. Sekela imphendvulo yakho. (2)
- 10.7 Sitfombe sini lesakhiwa ngulomugca longentasi? Bhala emaphuzu abe MABILI. Wabadvudvula agibela tindiza ngematata. (2)
- 10.8 Kwabangelwa yini kutsi live laSoshangane libe nekujabula lokungaka emva kwekubaleka kweMaputukezi? (2)
- 10.9 Phawula kutsi lomugca longentasi **uliciniso** nobe **uliphutsa**. Sekela imphendvulo yakho. Ulivulindlela Samora Machel. (2½)
- 10.10 Bhala sinongo senkhulumo lesitfolakala kulomugca lolandzelako? Nika sizatfu semphendvulo yakho. Yasukuma i-Afrika yatitsatsa kwahlokoma inkhundla. (2)
- [17½]**
- SAMBA SIGABA D: 35**  
**SAMBA SISONKHE: 70**